

Kayëta ir Filemonj in

Lilaya in

Akayëta aŋo Pol yëgwën këreceŋ ir baŋo Filemonj. Ar Xadëp irexëm ir bano wacënd Onesim, naŋa baŋo. Ga fed këni gë Pol wël ko end Yesu Kërisët eŋ, wã ko do hi ko mëŋ bëte këreceŋ. Ata Pol fel këŋo exo maÿi gër axwën arexëm Filemonj. Yëgw kayëta ijo ro eŋo karaxën Filemonj eŋo kaca gë eteban Onesim. Gayikwa angwën aŋo, xadëp ir naŋak in, asoron bano soronënd, bandëmar alaŋ bano laŋwënd. Er sëy'ali ko Pol gër kayëta aŋo ro in ex ebalër ed bërëŋwak end Kërisët el, aŋap yäpëk ex canayand gër banëkëra bandebën. Mëŋ ex Pol axara baŋo Filemonj eŋo kaca Onesim gë obal gayikako anëka hi baxo arëŋwak end Kërisët ang mëŋ ak. Er ex gër akayëta in:

Ecëmar el do gë ecalen ed Filemonj el: 1-3.

End Onesim eŋ: 4-22.

Ofelar ol do gë cale ipelatar in: 23-25.

Ecëmar el

1 ¹ Wëno Pol, ar fëra këno në end *Yesu *Kërisët an, wëno gë abaÿe Timote ki yëgwënëlinde wëj Filemonj. Wëno mbaŋ ke balënd endey' eŋ, wëj ar bar këne andiyen amat an. ² Gër kayëta ijo ro, abar bar këmun wëj gë Apiya, imaÿe itoxari indebi in, gë Arëšip ar xel këmi hi enga endemat an, do gë bër gër Amara and hik gër iciŋ indey' bën. ³ Faba irebi Kaxanu do gë Axwën Yesu Kërisët, yëlëlenun oyekax ol do gë obetak ol.

End aŋana aŋ do gë ekwëta ed Filemonj eŋ

⁴ Din këmi xwitand mi calen do këmo šëkwand Kaxanu ir xwën ke. ⁵ Awëlati wëlati këme mëne wëj mbaŋ xwëta këyo Axwën Yesu, bëte mbaŋ ki balënd end dëk okëreceŋ ocandax eŋ. ⁶ Ga bar këne ako ekwëta edebat, anang nang këy' dëk er yek eyëbo din në end *Kërisët in. Awa masinëlëbo ngwa. ⁷ Wëno mbaŋ nëngandëra ke do mbaŋ xemën ke aŋana andey' aŋ. Aŋaÿe Filemonj, enimin okëreceŋ odanjëm yëma këbi oŋëkw oŋ në endey'.

End emëka ed Pol eŋ

⁸ Mëŋ ex, ga yël ke *Kërisët or gapak ol, anëy'ali anëy'ali domi er yäpëk ey' di in, bari ame di na. ⁹ Er yäpan ke mi kara mo kara ga

nang këme ako gë aņana hi këy. Wëno Pol, anëka xar këme bëte waca ke hi këme gër epëra në end Yesu Kërisët. ¹⁰ Axara këmi xarand end Onesim eņ^a. Asëñiŵën iram hi ko elod yatir ŵa ko end Kërisët eņ ro gër epëra. ¹¹ Bakey band xucak baņ, ofëcak abaxi rin na. Barikan gërëgako, arin këbo rin wëj gë wëno. ¹² Anëka felëli këmo exo mañili ado ga lëkër këmi mbaņ. ¹³ Dek ŷandi baxe exo bayi gër ndam ro, exe dëcarand ang do y'e rëcara wëj ak ang hi këme gër epëra në end Atëfëtan ak. ¹⁴ Bari gematak axe ñandi bana me di xarak axe wëlër exe na pere këdi këmi nëŷali ey'e din oyekax olo.

¹⁵ Bamat imëd fo šapër ban gë Onesim eņun ketaxën din.

¹⁶ Barikan gërëgako nëmëc xadëp hi ko. Imaŷe ind ki bal mbaņ hi ko, axo bo ex na xadëp fo. Wëno gë pit ke balënd endexëm eņ xarak wëj doxi balënd nëmëc gayik xadëp irey' exo. Bëte arey' hi ko ga bar kën ako gër Axwën Yesu. ¹⁷ Awa angëmëne wëj gë wëno abar bar ke, kwëtayalo Onesim ang xwëtayadoŷe wëno ak. ¹⁸ Angëmëne aŵenan ŵenan ki, wëno këy'e wëkad, do angëmëne ŷey' ŷomëxa ki na, wëno ki ŵašënëd. ¹⁹ Ata wëno Pol kë ŷëgwëlinde gë ataxan andam aņ dëņ: wëno aŵašën këmi ŵašën. Wëj aniyan andey' aņ dëņ ga ŷomëxa këy'e wa, bari ami pel na. ²⁰ Eyo abaŷe, dëcale mondako në end Kërisët, yemënël emëkw edam el ga bar ke ako gër ndexëm.

²¹ Anang nang këme mëne aŵa këy' ŵa er këmi ŷëgwënëlinde gër kayëta ijo ro in. Aye fëni ke mëne nëmëc er xara këmi in këy' ri.

²² Gërëgako këñënanëxëye bëte aciŵ, yëla këme mëne asebët këne sëbëtëli gayik Kaxanu ayakali këņun yakali cale indewën iņ.

Epelar el

²³ Epafëras, imaŷe ind fëra kënëbo në erebat në end Yesu Kërisët iņ, ašëma këņun šëmand. ²⁴ Ašëma kënun šëmand bëte bër bar këmi andiyen bën: Marëk, gë Arisëtarëk, gë Demas do gë Luk. ²⁵ Oyekax or Axwën Yesu Kërisët ol gil ex gër onden ondwën!

^a1.10 Onesim ijo xadëp hi bax. Anaŵa naŵa baņo Filemoj, ar xwën baņo an, hër ko đup gër angol and fëra bano Pol.